



ЎЗБЕКISTОН RESPUBLIKASI  
ADLIYA VAZIRLIGIDA  
DAVLAT RO'YXATIDAN O'TKAZILDI  
RO'YXAT RAQAMI: 3290  
2021 - yil 25 - mart

**ЎЗБЕКISTОН RESPUBLIKASI  
ДАВЛАТ БОЖХОНА ҚЎМИТАСИНING  
ҚАРОРИ**

**Товарлар ва транспорт воситаларини белгиланган жойлардан ташқарида  
ва (ёки) божхона органларининг белгиланган иш вақтидан ташқари вақтда божхона  
расмийлаштирувидан ўтказганлик учун божхона йиғимларини  
ундириш тартибини тасдиқлаш ҳақида**

Ўзбекистон Республикасининг Божхона кодекси ва Вазирлар Маҳкамасининг 2020 йил 9 ноябрдаги 700-сон “Божхона йиғимлари ставкаларини тасдиқлаш тўғрисида”ги қарорига мувофиқ Ўзбекистон Республикаси Давлат божхона қўмитаси **қарор қилади:**

1. Товарлар ва транспорт воситаларини белгиланган жойлардан ташқарида ва (ёки) божхона органларининг белгиланган иш вақтидан ташқари вақтда божхона расмийлаштирувидан ўтказганлик учун божхона йиғимларини ундириш тартиби иловага мувофиқ тасдиқлансин.

2. Мазкур қарор расмий эълон қилинган кундан эътиборан уч ойдан кейин кучга киради.

Давлат божхона қўмитаси  
раиси

Тошкент ш.  
2021 йил 25 февраль,  
01-02/8-10 сон



Азимов М. Б.

Раис

Тошкент ш.  
2021 йил 24 февраль,

Келишилди:



Икрамов А. И.

Ўзбекистон Республикаси  
Давлат божхона қўмитасининг  
2021 йил 25 февралдаги  
01-02/8-10-сон қарорига  
ИЛОВА

**Товарлар ва транспорт воситаларини белгиланган жойлардан ташқарида  
ва (ёки) божхона органларининг белгиланган иш вақтидан ташқари вақтда божхона  
расмийлаштирувидан ўтказганлик учун божхона йиғимларини ундириш  
ТАРТИБИ**

**1-боб. Умумий қоидалар**

1. Мазкур Тартиб божхона органлари томонидан товарлар ва транспорт воситаларини белгиланган жойлардан ташқарида ва (ёки) божхона органларининг белгиланган иш вақтидан ташқари вақтда божхона расмийлаштирувидан ўтказганлик учун божхона йиғимларини ундириш тартибини белгилайди.

2. Ушбу Тартибда қуйидаги асосий тушунчалардан фойдаланилади:

**буюртма-наряд** – товарлар ва транспорт воситаларини белгиланган жойлардан ташқарида ва (ёки) божхона органларининг иш вақтидан ташқари вақтда божхона расмийлаштирувидан ўтказганлик учун божхона йиғимларини ундиришда божхона органлари томонидан расмийлаштириладиган электрон шаклдаги ҳужжат;

**манфаатдор шахс** – товарлар ва транспорт воситаларини белгиланган жойлардан ташқарида ва (ёки) божхона органларининг иш вақтидан ташқари вақтда божхона расмийлаштирувидан ўтказиш учун мурожаат қилган шахс;

**божхона йиғими** – товарлар ва транспорт воситаларини белгиланган жойлардан ташқарида ва (ёки) божхона органларининг иш вақтидан ташқари вақтда божхона расмийлаштирувидан ўтказганлик учун ундириладиган йиғим;

**қайта юклаш операцияси** – божхона назорати остидаги товарларни битта транспорт воситасидан бошқа транспорт воситасига ёки ушбу транспорт воситасига қайта юклаш (транспорт воситаси юк хонасини очмасдан қайта юклаш бундан мустасно);

**божхона расмийлаштируви учун белгиланган жойлар** – божхона расмийлаштирувини амалга ошираётган ходим хизмат олиб борадиган божхона пости ва унга бириктирилган божхона омбори, эркин омбор, бож олинмайдиган савдо дўкони, шунингдек уларга бевосита туташ бўлган доимий божхона назорати зоналари;

**божхона органларининг иш вақтидан ташқари вақти** – соат 18.00 дан 09.00 га қадар бўлган вақт ҳамда дам олиш ва байрам кунлари (бундан чегара ва смена асосида иш ташкил қилинган божхона постлари мустасно);

**смена асосида иш ташкил қилинган божхона постлари** – божхона органининг буйруғига мувофиқ тасдиқланган ҳамда Ўзбекистон Республикаси Давлат божхона қўмитасининг (бундан буён матнда ДБК деб юритилади) расмий веб-сайтига жойлаштирилган божхона постлари.

**2-боб. Божхона йиғимларини ундириш тартиби**

3. Манфаатдор шахс товарлар ва транспорт воситаларини белгиланган жойлардан ташқарида ва (ёки) божхона органларининг иш вақтидан ташқари вақтда божхона расмийлаштирувидан ўтказиш

учун божхона органларига ёзма ёки электрон шаклда мурожаат қилади.

4. Манфаатдор шахснинг мурожаати божхона пости бошлиғи ёки унинг вазифасини бажарувчи шахс томонидан бир кун ичида кўриб чиқилади ва божхона расмийлаштирувини амалга ошириш учун ходим(лар) ажратилади.

Бунда манфаатдор шахс божхона расмийлаштирувини тезлаштириш мақсадида бир нечта ходим ажратиш юзасидан мурожаат қилиш ҳуқуқига эга.

5. Манфаатдор шахс мурожаатига асосан божхона йиғимлари божхона органлари томонидан куйидаги тартибда ундирилади:

а) божхона кўриги, божхона назорати остидаги товарларни декларант томонидан кўздан кечируви, қайта юклаш операцияларини амалга ошириш учун ушбу Тартибга мувофиқ буюртма-нарядни расмийлаштириш орқали (бундан енгиб бўлмас куч таъсири оқибатидаги ҳолатлар мустасно);

б) божхона юк декларациясини расмийлаштирганлик учун Божхона юк декларациясини тўлдириш тартиби тўғрисидаги йўриқномага (рўйхат рақами 2773, 2016 йил 6 апрель) мувофиқ БЮДнинг 47-графасига тегишли маълумотлар киритиш орқали.

Бунда божхона йиғими ҳар бир БЮД учун (БЮДнинг “D” графасига божхона органи томонидан белги қўйилган вақт божхона органларининг иш вақтидан ташқари вақти бўлганда) ундирилади.

6. Божхона органи томонидан божхона расмийлаштируви учун бир соатдан кам бўлган вақт сарф қилинган тақдирда, божхона йиғими бир ходимнинг тўлиқ бир соат иш вақти учун ундирилади.

Агар манфаатдор шахснинг мурожаатида божхона кўриги, божхона назорати остидаги товарларни декларант томонидан кўздан кечируви, қайта юклаш операцияларини амалга ошириш учун бир нечта ходим ажратиш сўралган бўлса божхона йиғими божхона пости томонидан ажратилган ҳар бир ходим учун тўланади.

7. Божхона йиғимлари мазкур Тартибнинг 6-бандига мувофиқ божхона органлари ғазна ҳисоб-рақамидаги манфаатдор шахснинг пул маблағлари ҳисобидан ундирилади.

8. Ҳисобланган божхона йиғимларини тўлаш учун пул маблағлари етарли бўлмаган тақдирда, манфаатдор шахс томонидан божхона йиғимларини божхона органларига тўлиқ тўланиши таъминлангандан сўнг божхона расмийлаштируви амалга оширилади.

### **3-боб. Буюртма-нарядни расмийлаштириш**

9. Буюртма-наряд ДБКнинг Ягона автоматлаштирилган ахборот тизимида ушбу Тартибнинг иловасига мувофиқ шаклда электрон тарзда расмийлаштирилади.

10. ДБК манфаатдор шахсларга Ўзбекистон Республикаси Ягона интерактив давлат хизматлари портали ёки ДБК томонидан кўрсатиладиган интерактив хизматлар орқали расмийлаштирилган буюртма-наряднинг қоғозда чоп этиш имкониятини яратади.

11. Буюртма-наряд икки қисмдан (“буюртма-наряд” ва “ҳисоб-фактура”) иборат бўлади.

12. Буюртма-наряд манфаатдор шахснинг божхона органларига йўлланган мурожаатида келтирилган маълумотлар асосида ахборот тизимида божхона органлари томонидан тўлдирилади. Бунда божхона расмийлаштируви учун ундирилган божхона йиғимлари тўғрисидаги маълумотлар кўрсатилади.

### **4-боб. Яқуний қондалар**

14. Буюртма-наряд расмийлаштирилган йилдан кейинги йилдан эътиборан уч йил давомида сақланади.

15. Ушбу Тартиб талабларининг бузилишида айбдор бўлган шахслар қонунчилик ҳужжатларида белгиланган тартибда жавобгар бўлади.

16. Мазкур Тартиб Ўзбекистон Республикаси Савдо-саноат палатаси билан келишилган.

Товарлар ва транспорт воситаларини  
белгиланган жойлардан ташқарида  
ва (ёки) божхона органларининг иш  
вақтидан ташқари вақтда божхона  
расмийлаштирувидан ўтказганлик  
учун божхона йиғимларини  
ундириш тартибига  
ИЛОВА

**БҲҮҮРТМА-НАРҲД**  
\_\_\_\_\_сон

1. Манфатдор шахс номи \_\_\_\_\_

2. СТИР \_\_\_\_\_

3. Божхона пости \_\_\_\_\_

5. Ҳужжатга оид маълумотлар \_\_\_\_\_  
*божхона юк декларацияси / юкни етказиб бериш назорат китобчаси /  
халқаро йўлларда ташини китобчаси рақами*

\_\_\_\_\_ / \_\_\_\_\_  
коди / номи

4. Ходимлар сони \_\_\_\_\_

6. Божхона расмийлаштируви тури

божхона кўриги [ ]  
божхона назорати остидаги товарларни декларант томонидан кўздан кечируви [ ]  
товарларни қайта юклаш операцияси [ ]

**ҲИСОБ-ФАКТУРА**

7. Божхона расмийлаштирувини амалга ошириш жойи \_\_\_\_\_

\_\_\_\_\_ белгиланган жойда [ ]  
\_\_\_\_\_ белгиланган жойдан ташқарида [ ]

Божхона кўриги даволатномаси/мувожаат рақами	Божхона органи нодими	Божхона расмийлаштируви		
		санаси	бошланган вақт	тузатилган вақт

8. Божхона органи ходими томонидан амалга оширилган божхона расмийлаштируви

9. Ундирилган божхона йиғимлари

Божхона йиғими	Йиғим ставкалари	Сарфланган сўатлар	Йиғим суммаси
кундузги вақтда (9.00 – 18.00 иш вақтида)			
Божхона органлари иш вақтидан ташқари (18.00 – 9.00), дам олиш ва байрам кунлари.			
<b>Жами ундирилган божхона йиғимлари суммаси</b>			

10. Божхона органи ходими Ф.И.О. \_\_\_\_\_

11. Расмийлаштирилган сана \_\_\_\_\_

QR-код